



Bosnia and Herzegovina  
Federation of Bosnia and Herzegovina  
**CANTON SARAJEVO**  
Cantonal Civil Protection Administration  
Operational Center

Broj: 04-40-1-330/21  
Sarajevo, 27.11.2021. godine

Na osnovu dobijenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organizovanju i funkcionisanju operativnih centara civilne zaštite („Službene novine Federacije BiH“, broj 9/19) dostavljamo Vam:

**REDOVNI IZVJEŠTAJ**  
**za period od 08:30 sati 26.11.2021. do 08:30 sati 27.11.2021. godine**

Vlada Kantona Sarajevo je na sjednici održanoj 26 novembra 2021. godine na prijedlog Štaba civilne zaštite Kantona Sarajevo (u daljnjem tekstu: Štab) donijela Odluku o proglašenju prestanku stanja prirodne nesreće od poplava na području Kantona Sarajevo, kojom je van snage stavljena Odluka o proglašenju stanja prirodne od poplava na području Kantona Sarajevo, broj: 02-04-40698-1/21 od 08.11.2021. godine.

Navedenom Odlukom, određeno je da će Štab nastaviti raditi i u saradnji sa općinskim štabovima civilne zaštite pratiti stanje na ugroženom području i da će na bazi istog utvrđivati obim i potrebe za angažovanjem snaga i sredstava civilne zaštite, te je utvrđena obaveza za sve rukovodioce kantonalnih ministarstava, samostalnih kantonalnih uprava, samostalnih kantonalnih upravnih organizacija, javnih ustanova i institucija, rukovodioce gradskih i općinskih službi za upravu, rukovodioce javnih preduzeća i drugih pravnih subjekata, da u okviru svoje redovne djelatnosti vrše i dodatne poslove koje se odnose na otklanjanje posljedica koje su nastale djelovanjem prirodne nesreće i da će te poslove vršiti sve dok postoji potreba za istim.

Odlukom o proglašenju prestanku stanja prirodne nesreće od poplava na području Kantona Sarajevo, zadužena je Kantonalna komisija za procjenu šteta da u skladu sa Uredbom o jedinstvenoj metodologiji za procjenu šteta od prirodnih i drugih nesreća („Službene novine Federacije BiH“, br. 75/04, 38/06, 52/09, 56/09 i 36/14 – u daljnjem tekstu: Uredba) izvrši sve poslove na procjeni šteta, te da na osnovu izvještaja općinskih komisija za procjenu šteta izradi zbirni izvještaj o procjeni šteta od poplava na području Kantona Sarajevo u roku utvrđenom u članu 12. Uredbe.



Od općinskih operativnih centara civilne zaštite: Ilidža, Novi Grad, Trnovo, Vogošća i Ilijaš smo obavješteni da su njihovi općinski štabovi civilne zaštite nastavili sa aktivnostima i mjerama na otklanjanju i saniranju posljedica od poplava na ugroženom području, te da njihove općinske komisije za procjenu šteta u skladu sa propisanim procedurama i metodologiji rade na procjeni šteta na materijalnim i drugim dobrima izazvanim djelovanjem poplava.

U izvještajnom periodu Kantonalni operativni centar civilne zaštite primio je jednu informaciju o pronalasku NUS-a i to dana, 26.11.2021. godine u 17:36 sati od Policijske stanice Hadžići, da je na lokalitetu Drozgometve, pronađena jedna tromblonska mina.

O primljenoj informaciji obaviješteni su pripadnici Tima za UES Federalne uprave civilne zaštite, koji će navedeno neeksplozivno ubojno sredstvo ukloniti u narednom periodu.

**Kantonalna uprava civilne zaštite Kantona Sarajevo:** Pripadnici Profesionalne vatrogasne jedinice Kantonalne uprave civilne zaštite Kantona Sarajevo u izvještajnom periodu imali su dvije manje intervencije i to: jedna na gašenju zapaljenog dimnjaka i jedna na obezbjeđenju.

**Elektro distribucija Sarajevo:** Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetskih postrojenja.

**KJKP Sarajevogas:** Svi potrošači u Kantonu Sarajevo su uredno snabdjeveni prirodnim gasom.

**KJKP Vodovod i kanalizacija:** Vodosnadbijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

**Federalni hidrometeorološki zavod:** Jutros u 08:00 sati temperatura u Sarajevu na mjernoj stanici Bjelave je iznosila 6°C, vlažnost zraka 93%, barometarski pritisak 924 hPa.

**BIHAMK:** Saobraćaj se na području Kantonu Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu.

Prema informacijama prikupljenih od dežurnih dispečera i informativnih službi **KJKP GRAS, Centrotrans – Eurolines d.d. i JP Željeznice Federacije BiH**, gradski, međugradski i željeznički saobraćaj se odvijaju po redu vožnje.

PO OVLAŠTENJU DIREKTORA  
ŠEF CENTRA  
**Fahrudin Pribišić**

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu i članovima Štaba CZ Kantona Sarajevo
- Federalnom operativnom centru civilne zaštite
- a/a



web: <https://kucz.ks.gov.ba>  
e-mail: [oc@kucz.ks.gov.ba](mailto:oc@kucz.ks.gov.ba)  
Tel: + 387 (0) 33 121, 556-670  
Fax: + 387 (0) 33 556-671  
Sarajevo, Reisa Džemaludina Čauševića 1